



# KAKIEN EO AN STATE EO AN OREGON STATE IKIJEN AN AJIRI JAKŌL

KEIN JIJJET IM JAKŌL KO AN AJIRI RO REJ BAJINJEA EJAB JUON MEN EO KWŌMARON KELET IN KŌNAKE AK JAB, EJ KAKIEN ÑAN KŌNAKE!

Aoleb ajiri rej aikuj jakŌl ilo juon kein jijjet im jakŌl an ajiri ekkar ilo ien aer uwe wā, mae ien jakŌl eo an rūtto enaj jejjet aer maron kōjerbale. Juon kein jakŌl an ajiri eo ekkar ej juon eo ej kōtōbrak joñan im joñan kileb eo an ajiri eo im emōj rōjañ jen kombani eo ear kōmmame kein jakŌl eo.



Oktak joñan yiō ko emōj rōjañ ñan kajojo kain jikin jijjet ekkar ñan oktak ko ilo joñan jemlok ko ikijen kapeel, eddek, im aitok/kileb ñan kein jijjet ko aer ilo wa. Kōjermal bok eo kin melele ko an jea eo an wa ñan lale wāween am kōlaake jea eo im joñan jemlok ko ikijen aitok/kileb ko an ajiri, im ñan an jimwe wāween am kōjerbale jea eo. Ñe ajiri eo ruwalitōk an yiō IM diklok jen 4'9" aitokin, kakien eo an Oregon ej aikuj an woñmaanlok in kōjermal kein jijjet im jakŌl eo an ajiri.

## JEA IN WA KO REJ JIT LIKLOK

### Niñniñ eo ej kab lotak ñan jab diklok jen 2 yiō

Ajiri eo ej uwe ilo an jea eo an jit liklok im kōjermal to in dābdeb ko mae ien eo ejab diklok jen 2 an yiō ak mae ien eo enaj tōbare joñan jemlok eo ikijen joñan kileb ak aitōk an jea eo an wa eo. (Kein jijjet ko remaron oktak remaron jermal ñan liklok im maanlok jimor).

### Kein Dābdeb eo ej Jit Liklok

- » To in dābdeb ko rej bed ilo ak ilal in aeran.
- » Jikin dābdeb in to eo ej bed ioon ubon ikōtaan merwan ko an.

### Kōlaake

Jea in wa ko rej jit liklok rej aikuj dābdeb ibben wa eo kin jakŌl in jea eo an wa eo ñe ejab kein añkō ko ilo jea eo.

Jea in wa ko ejimwe aer elaak rejab aikuj emakūtkūt lablok jen juon inij jen rajet ko im jen maan ñan lik.

**Ejellok ien kwōmaron likūt juon jea in wa ej jit liklok imaan in juon airbag eo ej jermal.**

## JEA IN WA KO REJ JIT MAANLOK

### Joñan yiō 2 ñan jab diklok jen 40 paun

Ilo ien an ajiri eo kileblok jen jea in wa eo ej jit liklok rej aikuj wōt uwe ilo jea eo ilokan, ilo juon jea in wa ej jit maanlook ewōr to in dābdeb ko mae ien eo enaj jab diklok jen 40 aer paun ak ñe renaj tōbare joñan jemlok in joñan aitok ak kileb in jea in wa eo ewōr to in jakŌl im ej jit maanlok. (Jea ko remaron oktak remaron kōjermal ilo jea ko rej jit liklok im maanlok/ im jea kein jimor remaron jit maanlok kin to in dābdeb im jea booster.)

### To in Dābdeb eo ej Jit Maanlok

- » To in dābdeb ko rej bed ilo ak ilal in aeran.
- » Jikin dābdeb in to eo ej bed ioon ubon ikōtaan merwan ko an.

### Kōlaake

Jea in wa ko rej jit maanlok rej aikuj dābdeb ibben wa eo kin jakŌl in jea eo an wa eo ñe im kein loklok (ñe ewōr) ÑE EJAB ejab kein añkō ko ilo jea eo im loklok.

Jea in wa ko ejimwe aer elaak rejab aikuj emakūtkūt lablok jen juon inij jen rajet ko im jen maan ñan lik.

## JEA BOOSTER

### Joñan yiō 4 lok ñan jab diklok jen 8 yiō

Emōj rōjañ an ajiri uwe ilo jea eo itulokan wa eo ilo aer kōjermal jea in wa eo kin juon to in jakŌl mae ien renaj tōbare joñan jemlok eo ikijen joñan kileb ak aitok im emelim jen kombani eo ear kōmmame jea in wa eo.

Ilo ien eo ajiri eo enaj kileblok jen jea in wa eo waan ej jit maanlok kin juon to in dābdeb, enaj ien kōmakūt er ñan jea in booster eo, ilo ien aer uwe wōt ilo jea eo itulik an wa eo. (Jea kein jimor remaron jit maanlok kin to in dābdeb im jea booster)

### Jikin JakŌl in Jea Booster:

- » JakŌl in aeran eo ekwōn an bed aeran im ubon im jab ioon kenwaan ak iturin mejan.
- » JakŌl eo ej etal ioon lotōñāer (ejab lojeer).

### Kōlaake

Jea booster ko rej kōjermal jakŌl eo an jea in wa eo ñan dābiji ajiri eo im jibañ an jakŌl eo jab bed ioon kenwaan im iturin mejan ajiri eo im kautiejlok ajiri eo ñan an jakŌl eo etal ioon neen im jab ioon lojeer.

## JAKOL KO AN JEA IN WA

### 8 + Yiō

JakŌl in kejbarok eo an wa eo emōj kar kōmmame ñan rūtto, ejab ajiri. Kinke ajiri rej eddek kin joñan ko roktak, remaron wōt aikuj jea in booster ko ikōtaan joñan yiō 8-12+. Kakien eo an Oregon ej aikuj an jimwe im kwōn an juon kōjermal jakŌl in jea eo an rūtto.


### JakŌl in jea ko ejimwe im kwōn ilo ien:

- » JakŌl eo ej etal ioon lotōñāer (ejab lojeer).
- » JakŌl eo ilo aeran im ubon im jab ioon kenwaan ak iturin mejan.
- » Ajiri ro reja ikuj bwe aer aitok ñan an bidodo aer maron likūt bukien neer ilo tōreine jea eo ilik ilo an likier itak ilo jea in wa eo.

Elab rōjañ bwe aoleb ajiri ro rediklok jen 13 aer yiō ren uwe ilo jea eo ilik im kwōn im jimwe aer dābdeb.

### Ilo jea eo imaan, rikattor eo im kajojo bajinjea aikuj ekōnak jakŌl in jea, juon armij ñan juon jakŌl.

Rikattor eo im bajinjea ro ilo jea ko imaan joñan yiō 16 im rūttolok remaron kajojo aer bakkin lok ñan \$115 kin aer jab ekōnak kein jakŌl in jea.



**Aoleb armij ro rej uwe ilo wa eo,** jekdoñ joñan yiō ak jikin ak wāween aer jijjet rej aikuj dābdeb kin juon kein jakŌl in dābdeb ñan kejbarok. Kajojo bajinjea ediklok jen 16 an yiō aikuj ekōnak jakŌl in jea ñe ejab kōjermal kein jijjet im jakŌl an ajiri eo ekkar. Rikattor eo aikuj loloorjak ke kajojo bajinjea eo ediklok jen 16 an yiō ej loor kakien eo. Rikattor eo emaron bakkin kin \$115.

Rōjañ ko ñan kejbarok ajiri ro rej bajinjea: American Academy of Pediatrics (Doulu eo Taktō ro an Ajiri), National Highway Traffic Safety Administration (Opij eo ej lale kejbarok iloan ial ko relab, NHTSA), im OHSU Doernbecher Safety Center (Jikin eo ej lewaj mweiuik ko redik wonneir ñan bōbrae an ajiri jab jorrāñ). Emōj kar bōk pija jen NHTSA (opij eo ej lale kejbarok iloan ial ko relab) im Mohawk Valley Resource Center for Refugees (Jikin jibañ eo an rilikin ro emōj aer jool jen lal ko aer).